

Ruj.kami : MBPJ/090100/T/A6/Jld12 (39)
Tarikh : 15 Oktober 2015

KENYATAAN AKHBAR

OPERASI KENDERAAN BURUK DI PETALING JAYA

Majlis giat menjalankan operasi pindah alih kenderaan buruk di Petaling Jaya bagi tahun 2015. Tujuan operasi ini ialah untuk :-

- i. Membendung tempat pembiakan nyamuk aedes yang menyumbang kepada masalah denggi dan penyakit berjangkit lain.
- ii. Mengatasi masalah halangan-halangan petak ditempat letak kereta.
- iii. Membendung masalah kacau gangu lain kepada penduduk dan kebersihan Bandar.

Tindakan yang dijalankan adalah mengikut peruntukan undang-undang seperti berikut:-

i. **Akta Jalan , Parit dan Bangunan 1974 (Akta 133)**

Seksyen 46 (1)(e) – meletakkan atau menyebab diletakkan kayu-kayan, besi sekerap, kereta buruk atau apa-apa bahagiannya, bahan buangan atau benda atau barang lain di mana-mana tempat awam.

ii. **Akta Kerajaan Tempatan 1976 (Akta 171)**

Seksyen 101 (1)(v) – melakukan segala perkara yang perlu untuk atau yang bermanfaat kepada keselamatan, kesihatan dan kesenangan awam;

Pelaksanaan operasi ini dijalankan oleh Jabatan Penguatkuasaan dan Jabatan Kejuruteraan dan dijadualkan pada setiap hari di lokasi-lokasi “**hot-spot**” yang telah dikenal pasti merangkumi kawasan-kawasan seperti PJS1-10, SS2, SS3, SS7, SS9A, SS20, S21, SS22, SS24, BU6, BU11, PJU10, PJU1A, PJU7, PJS1, SD 1, SD5, SD 9, SD12, SEK 6 Kota Damansara dan SEK 11 Kota Damansara.

STATISTIK TINDAKAN PENARIKAN KENDERAAN

1. Sepanjang tahun 2014, pihak Majlis telah menerima sebanyak 425 aduan berhubung kenderaan buruk / terbiar manakala sepanjang tahun 2015 sebanyak 510 aduan kenderaan buruk/terbiar dilaporkan.

- 2 Pada tahun 2014 Majlis telah menunda sebanyak 315 untuk dilupus dan 110 telah dipindah alih ke depoh simpanan MBPJ. Sehingga 13 Oktober 2015 sebanyak 286 buah kenderaan buruk/terbiar telah diambil tindakan pengalihan dan sebanyak 188 kenderaan buruk dilupuskan mengikut prosedur yang telah ditetapkan oleh Majlis.
- 3 Kenderaan-kenderaan buruk yang ditunda ini di bawa kedepoh simpanan MBPJ di seksyen 26 Shah Alam.
- 4 Pihak Majlis akan menghantar notis dalam tempoh 1 bulan kepada pihak pemilik kenderaan berdasarkan kepada carian maklumat Jabatan Pengangkutan Jalan (JPJ).
- 5 Pada masa yang sama, pihak Majlis juga akan menghantar surat kepada pihak Polis DiRaja Malaysia (PDRM) untuk semakan kenderaan yang berkemungkinan terlibat dengan kes-kes Polis.
- 6 Sekiranya tiada tuntutan oleh pemilik kenderaan, pihak Majlis akan mengambil tindakan perlucutan hak terhadap kenderaan tersebut sebelum proses akhir pelupusan kenderaan-kenderaan buruk ini.
- 7 Denda yang dikenakan adalah seperti berikut
 - i. Kompaun : RM 250.00
 - ii. Kos Tunda : RM 250.00
 - iii Lain-lain kos : RM 100.00
(kos simpanan dan lain-lain)

Sehubungan dengan itu, pihak Majlis mengingatkan dan memohon kerjasama penduduk untuk memaklumkan aduan kenderaan buruk/terbiar di kawasan Petaling Jaya. Manakala bagi pengusaha bengkel membaiki kereta pihak Majlis mengingatkan supaya mengikut kepada Undang-undang dan tidak membuat halangan petak bagi keselesaan awam.

**Sekretariat Media
Unit Komunikasi Korporat
Majlis Bandaraya Petaling Jaya**

Laman web: www.mbpj.gov.my, facebook: Majlis Bandaraya Petaling Jaya, twitter: pjcitycouncil, emel: media@mbpj.gov.my Tel : 03-79563544 sambungan 206/208, Faks : 03-79582695. **Sebarang pertanyaan atau maklumat lanjut, sila hubungi:Unit Komunikasi Korporat, Majlis Bandaraya Petaling Jaya**